

VENDIM
Nr. 296, datë 19.10.2023

MBI MIRATIMIN E AMENDIMIT NR. 3 TË KONTRATËS “PËR SHITBLERJEN E ENERGJISË ELEKTRIKE PËR MBULIMIN E HUMBJEVE NË SISTEMIN E TRANSMETIMIT NDËRMJET OST SHA DHE KESH SHA”

Në zbatim të neneve 16, 20, germa “h”, 47, 56, germa “f”, 62 dhe 90 të ligjit nr. 43/2015, “Për sektorin e energjisë elektrike”, të ndryshuar; pjesës I, nenit 4, pikës 7, të vendimit të Këshillit të Ministrave (VKM) nr. 456, datë 29.6.2022, “Për miratimin e kushteve për vendosjen e detyrimit të shërbimit publik, që do të zbatohen ndaj të licencuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike”; VKM-së nr. 449, datë 26.7.2023, “Për disa shtesa dhe ndryshime në VKM-në nr. 584, datë 8.10.2021, “Për shpalljen e gjendjes së emergjencës në furnizimin me energji elektrike”, të ndryshuar; si dhe nenit 15 të “Rregullores për organizimin, funksionimin dhe procedurat e ERE-s”, miratuar me vendimin e Bordit të ERE-s nr. 96, datë 17.6.2016; Bordi i ERE-s, në mbledhjen e tij të datës 19.10.2023, pasi shqyrtoi relacionin me nr. 2134/1 prot., datë 16.10.2023, të përgatitur nga drejtoritë teknike “Mbi amendimin nr. 3 të kontratës për shitblerjen e energjisë elektrike për mbulimin e humbjeve në sistemin e transmetimit ndërmjet OST sh.a. dhe KESH sh.a.”,

konstatoi se:

- Bordi i ERE-s, me vendimin nr. 230, datë 12.9.2022, miratoi kontratën e shitblerjes së energjisë elektrike ndërmjet KESH sh.a. dhe OST sh.a., për mbulimin e humbjeve në sistemin e transmetimit për periudhën 2.7.2022 deri më 31.12.2022. Kontrata e miratuar nga ERE i ka shtrirë efektet juridike nga 2.7.2022 deri më 31.12.2022.

- Qeveria shqiptare nëpërmjet vendimit të Këshillit të Ministrave nr. 584, datë 8.10.2021, “Për shpalljen e gjendjes së emergjencës në furnizimin me energji elektrike”, shpalli gjendjen e emergjencës në furnizimin me energji elektrike. Ndërsa, me VKM-në nr. 650, datë 10.10.2022, “Për disa shtesa dhe ndryshime në VKM-në nr. 584, datë 8.10.2021, “Për shpalljen e gjendjes së emergjencës në furnizimin me energji elektrike”, gjendja e emergjencës në furnizimin me energji elektrike u shty deri më datë 30.6.2023.

- Bordi i ERE-s, me vendimin nr. 30, datë 16.2.2023 miratoi amendimin nr. 1 të kontratës “Për shitblerjen e energjisë elektrike për mbulimin e humbjeve në sistemin e transmetimit”, ndërmjet Operatorit të Sistemit të Transmetimit (OST) sh.a. dhe Korporatës Elektroenergetike Shqiptare (KESH) sh.a., miratuar me vendimin e Bordit të ERE-s nr. 230, datë 12.09.2022, i cili i shtyu efektet juridike të kësaj kontrate nga data 31 dhjetor 2022 deri më datë 30 qershor 2023.

- Hyrja në fuqi e VKM-së nr. 449, datë 26.7.2023, “Për disa shtesa dhe ndryshime në VKM-në nr. 584, datë 8.10.2021, “Për shpalljen e gjendjes së emergjencës në furnizimin me energji elektrike”, të ndryshuar, e shtyu gjendjen e emergjencës së furnizimit me energji elektrike deri më 31 dhjetor 2023.

- Palët kanë shprehur vullnetin e tyre për amendimin e kontratës, duke e nënshkruar bashkërisht atë, për ndryshimin e kohëzgjatjes së kontratës, dhe shtrirjen e efekteve të saj deri më datë 31.12.2023, duke përcjellë kontratën në ERE me shkresë të përbashkët ndërmjet KESH sh.a. dhe OST sh.a., me nr. 2134 prot. të ERE, datë 11.9.2023, “Për amendimin e kontratës ‘Për shitblerjen e energjisë elektrike për mbulimin e humbjeve në sistemin e transmetimit’”, të miratuar dhe të nënshkruar ndërmjet palëve OST sh.a dhe KESH sh.a.

- Gjithashtu, me qëllim konsultimin publik të këtij amendimi u realizua publikimi i tij në faqen zyrtare të internetit të ERE-s më datë 15.9.2023 dhe deri në këtë vendimmarrje nuk ka pasur asnjë koment për këtë dokument nga palët e interesit.

- Ndryshimi i kohëzgjatjes së kontratës vjen si pasojë e zgjatjes së periudhës së gjendjes së emergjencës në furnizimin me energji elektrike deri më datën 31.12.2023, sikurse shprehet në VKM-në nr. 449, datë 26.7.2023, “Për disa shtesa dhe ndryshime në VKM-në nr. 584, datë 8.10.2021, ‘Për shpalljen e gjendjes së emergjencës në furnizimin me energji elektrike (të ndryshuar)’”. Pika 2 e VKM-së nr. 449/2023 përcakton se në pikën 5 fjalët “... 30 qershor 2023.” zëvendësohen me “... 31 dhjetor 2023.”.

Në këtë amendim kontrate të përcjellë në ERE me shkresën e përbashkët ndërmjet KESH sh.a. dhe OST sh.a., me nr. 2134 prot. të ERE, datë 11.9.2023, vlerësohet se duhet të ndryshohet emërtimi i vitit në aneksin 1 të kontratës, “Për shitblerjen e energjisë elektrike për mbulimin e humbjeve në sistemin e transmetimit”, miratuar me vendim e Bordit të ERE-s nr. 230. datë 12.9.2022, i cili trajton rakordimet të energjisë së livruar nga KESH sh.a. dhe energjisë së pranuar nga OST sh.a., konkretisht vlerësohet se më datë _____.2022 duhet të ndryshojë dhe të bëhet _____.2023, për sa kohë që efektet juridike të kësaj kontrate përfundojnë më 31 dhjetor 2023. Rakordimet e energjisë të paraqitura në formë tabelore konfirmohen dhe nënshkruhen nga palët.

Për gjithë sa më sipër, Bordi i ERE-s

VENDOSI:

1. Miratimin e amendimit nr. 3 të kontratës për shitblerjen e energjisë elektrike për mbulimin e humbjeve në sistemin e transmetimit ndërmjet Operatorit të Sistemit të Transmetimit OST sh.a. dhe KESH sh.a. (amendimi bashkëlidhur këtij vendimi).

2. Ndryshimi i emërimit të Annex 1 “Raport-Rakordimi” të kontratës me nr. 4670 prot., datë 27.7.2022 (OST sh.a.) dhe nr. 3635 prot., datë 27.7.2022 (KESH sh.a.), “Për shitblerjen e energjisë elektrike për mbulimin e humbjeve në sistemin e transmetimit”, miratuar me vendim e Bordit të ERE-s nr. 230, datë 12.9.2022 , periudha “Më datë _____.2022” ndryshon dhe bëhet “Më datë _____. 2023”.

3. Drejtoria Juridike dhe e Zgjidhjes së Mosmarrëveshjeve të njoftojë Ministrinë e Infrastrukturës dhe Energjisë, shoqëritë KESH sh.a. dhe OST sh.a. për vendimin e Bordit të ERE-s.

Ky vendim hyn në fuqi menjëherë dhe i shtrin efektet nga data 1.7.2023 deri më 31.12.2023.

Çdo palë e përfshirë në këtë procedurë mund t’i kërkojë ERE-s, brenda 7 ditëve kalendarike nga data e marrjes së vendimit, rishikimin e vendimit të Bordit, në rast se ka siguruar prova të reja që mund ta çojnë Bordin në marrjen e një vendimi të ndryshëm nga i mëparshmi, apo për gabime materiale të konstatuara. Për këtë vendim mund të bëhet ankim në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.

KRYETAR
Petrit Ahmeti



ENERGJIA E SHQIPËRISË

Korporata Elektroenergjitike Shqiptare KESH sh.a.

Nr. 4600 prot., Tiranë, më 06.09.2023

Nr. 4488 prot., Tiranë, më 08.09.2023

AMENDIMI NR.3

I

KONTRATËS

PËR

SHITBLERJEN E ENERGJISË ELEKTRIKE PËR MBULIMIN E

HUMBJEVE

NË SISTEMIN E TRANSMETIMIT

ndërmjet

OPERATORIT TË SISTEMIT TË TRANSMETIMIT

OST SHA

DHE

KORPORATES ELEKTROENERGJITIKE SHQIPTARE
KESH SHA

Sot në datë _____.2023, duke u mbështetur në vullnetin e lirë të:

- (1) **Korporatës Elektroenergjitike Shqiptare, KESH SHA.**, shoqëri aksionare, regjistruar si person juridik me Vendimin Nr.12728, datë 06.11.1995 të Gjykatës së Rrethit Gjyqësor Tiranë, me seli në: Bllokun “Vasil Shanto”, Tiranë, Shqipëri, me nr. NIPT-i J61817005F, e përfaqësuar nga Z. Ergys Verdho, Administrator i Shoqërisë KESH SHA., që më poshtë do të quhet “Shitësi”,

Dhe

- (2) **Operatorit të Sistemit të Transmetimit**, (më poshtë referuar si OST SHA.), shoqëri aksionare, regjistruar si person juridik me Vendimin Nr. 31935, dt. 14.07.2004, të Gjykatës së Rrethit Gjyqësor Tiranë, me adresë: Tiranë Kashar, Yrshek, autostrada Tiranë-Durrës, km 9, Tiranë, Shqipëri, me NIPT Nr. K42101801N, përfaqësuar nga Z.Skerdi Drenova, Administratori i OST SHA.,

Baza ligjore:

- a) Ligji Nr. 43/2015, date 30.04.2015 “Për sektorin e energjisë elektrike”, i ndryshuar;
- b) VKM Nr. 456, datë 29.6.2022 “Për miratimin e kushteve për vendosjen e detyrimit të shërbimit publik, që do të zbatohen ndaj të licencuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike”;
- c) VKM Nr. 584 datë 08.10.2021 “Për shpalljen e gjendjes së emergjences në furnizimin me energji elektrike” (i ndryshuar);
- d) Kodi i Transmetimit, miratuar me Vendimin e ERE Nr. 63, datë 11.04.2022;
- e) Vendimi i ERE Nr. 99, datë 17.06.2016, “Mbi miratimin e Licencës së Prodhimit të Energjisë Elektrike”;
- f) Vendimi i ERE Nr. 134, datë 06.09.2017 “Mbi licencimin e shoqërisë Operatori i Sistemit të Transmetimit OST-sh.a. në aktivitetin e operimit të sistemit të transmetimit të energjisë elektrike”;
- g) Vendimi i ERE Nr. 27, datë 16.02.2023 “Mbi çmimin e aplikueshëm të blerjes së energjisë elektrike që do t’u paguhet prodhuesve ekzistues me përparësi me hyrjen në fuqi të VKM-së nr.67, datë 08.02.2023”
- h) Kontrata “Për shitblerjen e energjisë elektrike për mbulimin e humbjeve në Sistemin e Transmetimit” nr.4670/1 prot., të OST SHA, datë 27.07.2022 dhe nr.3635/2 prot., të KESH SHA, e amenduar;

Ndërsa, ndërmjet OST SHA dhe KESH SHA është lidhur Kontrata “Për shitblerjen e energjisë elektrike për mbulimin e humbjeve në Sistemin e Transmetimit” nr.4670/1 prot., të OST SHA,

datë 27.07.2022 dhe nr.3635/2 prot., të KESH SHA; e cila është miratuar nga ERE me Vendimin nr. 230, datë 12.09.2022;

Ndërsa, VKM Nr. 456, datë 29.6.2022 "Për miratimin e kushteve për vendosjen e detyrimit të shërbimit publik, që do të zbatohen ndaj të licencuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike", në nenin 4, pika 7 e Pjesës I, përcakton se: *"Ky vendim është i zbatueshëm edhe për përballimin e situatës së gjendjes së emergjencës në furnizimin me energji elektrike, sipas nenit 90 të ligjit nr. 43/2015, "Për sektorin e energjisë elektrike" të ndryshuar; si dhe nenin 13 "Gjendja e emergjencës në furnizim", . përcakton se "Gjatë periudhës së gjendjes së emergjencës në furnizim, shoqëria publike e prodhimit, e ngarkuar me detyrimin e shërbimit publik, furnizon Operatorin e Sistemit të Transmetimit me të gjithë sasinë e nevojshme, për mbulimin e humbjeve, me çmimin e blerjes së energjisë nga prodhuesit me përparësi hidrike. Kontrata ndërmjet shoqërisë publike të prodhimit dhe Operatorit të Sistemit të Transmetimit, negociohet nga palët dhe miratohet nga ERE."*

Ndërsa, VKM nr. 449, datë 26.07.2023 "Për një ndryshim në Vendimin e Këshillit të Ministrave nr. 584, datë 08.10.2021, "Për shpalljen e gjendjes së emergjencës në furnizimin me energji elektrike (i ndryshuar)", përcakton se: *"Në pikën 5 të Vendimit, fjalët "... 30 Qershor 2023." zëvendësohen me "... 31 Dhjetor 2023."*

Si dhe, Kontrata "Për shitblerjen e energjisë elektrike për mbulimin e humbjeve në Sistemin e Transmetimit" nr.4670/1 prot., të OST SHA, datë 27.07.2022 dhe nr. 3635/2 prot., të KESH SHA, datë 03.08.2022, neni 17 "Të ndryshme", pika 2, parashikon se: *"Çdo amendim ose shtesë në këtë Kontratë do të bëhet vetëm me shkrim dhe do të nënshkruhet nga të dyja Palët"; dhe neni 18 "Miratimi i ERE-s, hyrja në fuqi, efektet dhe zgjidhja e parakohshme", pika 2 parashikon se: "Kjo kontratë mund të ndryshohet apo zgjidhet përpara datës së përfundimit të saj, vetëm me miratimin e ERE".*

Palët bien dakord lidhur me përmbajtjen e Amendimit Nr.3 të Kontratës "Për shitblerjen e energjisë elektrike për mbulimin e humbjeve në Sistemin e Transmetimit" nr.4670/1 prot., të OST SHA, datë 27.07.2022 dhe nr.3635/2 prot., të KESH SHA, datë 03.08.2022, si më poshtë vijon:

Neni 1

Neni 18 "Miratimi i ERE-s, hyrja në fuqi, efektet dhe zgjidhja e parakohshme" e kontratës "Për shitblerjen e energjisë elektrike për mbulimin e humbjeve në Sistemin e Transmetimit" nr.4670/1 prot., të OST SHA, datë 27.07.2022 dhe nr.3635/2 prot., të KESH SHA, datë 03.08.2022, pika 1, ndryshon si më poshtë vijon:

1. Kjo Kontratë, dhe secili nga kushtet këtu, do të hyjnë në fuqi pas miratimit nga Bordi i ERE dhe i shtrinë efektet për periudhën 01.07.2023 - 31.12.2023.

Neni 2

Të gjithë nenet e tjera të kontratës "Për shitblerjen e energjisë elektrike për mbulimin e humbjeve në Sistemin e Transmetimit" nr.4670/1 prot., të OST SHA, datë 27.07.2022 dhe nr.3635/2 prot., të KESH SHA, datë 03.08.2022 (e amenduar), mbeten të pandryshuara.

Neni 3

Ky Amendament Nr.3 i kontratës "Për shitblerjen e energjisë elektrike për mbulimin e humbjeve në Sistemin e Transmetimit", nënshkruhet në 4 (katër) kopje të barazvlefshme, 2 (dy) për secilën palë.

Për
**KORPORATËN
ELEKTROENERGJITIKE
SHQIPTARE, KESH SH.A.**

ADMINISTRATORI

Ergys VERDHO



Për
**OPERATORIN E SISTEMIT TË
TRANSMETIMIT,
OST SH.A.**

ADMINISTRATORI

Skerdi DRENOVA

**NË MUNGESË DHE ME AUTORIZIM
DREJTOR I KABINETIT**

Luan Aranitasi

